

Г. К. Сазонов, А. М. Конькова

«И лун медлительных поток...»

Рүвөн лүүн хятлэт улмэлэн, восты төрэн-лыпэт энэмтэлэн-автэлэн, Апрасинья Мирунь сакүэн пөхэн йөхөтсайнүн, хонна айшэк Картин амэтэл ши. Щалта сүс пөра хящэс, тал вотасэт хящсэт, па кимэт пөхэн йөхөтсайнүн, ши йүпийэн па хулмэтэл, ньалмэтэл. Шишэн, Картин рутэл хоща хонна ньал вой вэлты ху энэмэл. Эвийэт иши сэма питлэт, Мирунь эвилала па амэтэл, ши күш эвийа нэмэлт вой вэлты таха ант йүкантила, хүл вэлты таха ант йүкантила. Мирон эвилала ант хун амэтэл, эвийила ишипа ши аньтэл хөрас па тайлэт, вэнш лэрлал, төрөп шуңлал, аньтыан шушэпса, түр сыйэл иши аньтэл хөрасепэт ши.

Эвилэн – мятты ай йөханийэ – ванты, ай йөханийэ үтэн лящкам ас йөхан пэла овэл, Апрасинья аньтэл па сэм вантман пэслы пайэн, йом йүхэн, хаш йүхэн лап этэм үтэн мухэт мятты, ши хөрасэпа йил. Кашэн ньаврэмийэл – тынэн отыйэл – эвэмлэман энмэлсэллы, кашэн пөшхийэл хоща лылэл ул. Йэшэк щүщийэл сэма питталэн, лүүв лөватэлэн хөрасэна ши йил. Муй хөрасеп Апрасинья вэтхөщяна кэм тал сайэн улмал, ин нэмэлт хөйат ант па эвэлэл, кашэн тал нуптэл хүва йил, вантэпсайэл лүүв тарэм. Вой вэлтыяа мөртына йаңхылэты питмал, па Евра лэпэн туп, – щит вой вэлты вэр хун, ал туп каш, пөхийилал-эвийилал кашэн күрэм төрлы вантман тайлэллы. Йийкэл вэт ху апши Апрасинья йошэн улман энэпсэт, вой вэлты пөрайэл йөхтэс, па лын лапэт пөхлэн энэмлэт-такамэлэт, лапэт хус иты – Вой хус иты, па хулэм эвилэн.